

ՄԱՐՏԻՐՈՍ ԵՊԻՍԿՈՊՈՍԻ ԵՐԶՆԿԱՑԻՈՅ

ՈՒՂԵԳՐՈՒԹԻՒՆ Ի ՍՊԱՆԻԱ

Եւ Մարտիրոս միայն անուամբ եպիսկոպոս Եզնկայի, ի սուրբ Կիրակոսու յաւնապատէն ի Նորգեղա—գեղէն:

Ի վաղուց հետեւ փափաքէի ի սուրբ գլխաւոր առաքելոցն գերեզմանին տեսանելոյ, և յորժամ հասեալ ինձ անարժանաւ արժանաւորիլ տեսլեան նոցա և հանապազ սիրտս փափաքէր, բայց ումեք ոչ կարէի յայտնել զխորհուրդ սրտի իմում. թվին ԹՃԼԸ (= 1489) հոկտեմբերի քսանեւերէն յեւայ ես ի իմ վանացն և եկայ մեղարար հասնի ի յՍտամպոլ և Աստուծոյ յաջողութեամբ գտեալ նաւ մի և մտի անդ Վերթանես սարկաւարդովն թվին ԶԼԹ (1490) յուլիսի մետասան ի յՍտամպոլու ելաք և մտաք ի նաւ մի ֆրանգի, և հոկտեմբերի մի ելաք ի Վենետ քաղաքն որ է Վենետիք մեծ և փառաւոր քաղաք և ինքն է ի մէջ ծովու շինած. Հիւ տուն է խիստ փառաւոր և հարուստ քաղաք է. և մեծ եկեղեցի կայ ի մէջ քաղաքին որ Թիմարդ կու մտնէ ի մէջն և խիստ զարդարած է ոսկով, սուրբ Մարկոս յաւետարանիչն եկեղեցին է և երկու երգէհոն կայ ի մէջն և երկու թեւաւոր ոսկի առիւծ է շինած ի մէջն. և այլ շատ եկեղեցիք կայ ի քաղաքն և շատ վանորայք կայ ի բոլոր քաղաքին. ամէն մէջ ծով է շինած: Եւ մեծ մաւխտան մի կայ առաջեւ եկեղեցին սուրբ Մարկոսի. ի դրանն շատ ի վեր չորս դեղին պղնձէ ձի մի շինած և կանգնեցուցած մեծ մեծ և զմի մի ոտովին ի վեր են կալել, և ի հարաւային կողմ ծովու դեհն հանց ծախողներն է. և երկու մեծ սիւն է կանկնեցուցած. մէկին վրայ թեւաւոր առիւծ մի և մէկալին սուրբ Գէորգ է կանգնել է. և թագաւորին դարպասին պա-

րիսպն ամէնն յոսկով զարդարած, և այլ ազգի ազգի շատ բաներ. ո՞վ կարէ պատմել զքաղաքին զաղէկութիւն, և կեցաք 29 օր:

Եւ մտաք ի նաւն և գնացաք ի ԺԿ արն յԱնքոնիայ և անտից հասաք ի 8 օր աստուածապահ մեծն ի Հոռոմ ուր սուրբ և փառաւորեալ ամենայգովելի սուրբ մարմինք են սուրբ գլխաւոր առաքելոցն Պետրոսի և Պօղոսի. և գնացաք և երկիր պագեցաք և մեղաց թողութիւն խնդրեցաք մեզ և մեր ծնողացն, և մեր երախտաւուրացն և կեցաք անդ 5 ամիս. և զամենայն տնօրինական տեղիսն տեսաք. զի է սուրբ առաքելոց նշխարքն ի Հոռոմ քաղաքէն ի դուրսն ի հիւսիսային կողմն յարեւմտից դիէն փոքրիկ քաղաք մի հետ հրով քաղաքին գետն երկու միջնովն կ'անցնի որ կոչի Սանդանկելաւ¹. սուրբ առաքելոց եկեղեցոյն դուռն յարեւելք է. հինգ բարձր և ահեղ դուռն ունի և միջի դուռն թափցու է մուֆրախ. և մէկ փեղկն սուրբ Պօղոս է, և միւսն սուրբ Պետրոս: Եւ ի Հոռոմայ յարեւմտից դեհն ի Ներոն թագաւորին դարպասին դիմաց՝ Պետրոսին խաչելութեան տեղն է². և ի մէջ քաղաքին իւրեանց գնտանին տեղն է³. և ի Հոռոմայ ի դուրս շատ մի հեռու սուրբն Պօղոսի գլխատման տեղն է⁴ և ի հարաւոյ դիհն որ գայ ի մօտ քաղաքին, այն տեղն է ուր Քրիստոս հանդիպեցաւ սուրբ Պետրոսի⁵. և ի քաղաքն եզր Սան ճուլան⁶ եկեղեցին է որ երկուսին գլուխն ի հոն է ամբողջ մարմնով, և ի քաղաքին մէջն ի հարաւոյ դիհն Գրիգոր Ակոսանդացոյն գնտան է, եկեղեցի է հիմայ և այլ առաջի մէջ քաղաքին Սանթէլինակայն⁷ եկեղեցին ճ սրբոց